


Ha Lefatše la hao le Aroha likoto



SABATHA THAPAMA

Bakeng sa Thuto ea Beke ena Bala:

Esa. 7:1–9, Esa. 7:10–13, Esa. 7:14.

Temana ea Khopolo:

“Ha le sa lumele, ruri le ke ke la tiea” (*Esaia 7:9*).

Ka Sabbatha Connie le Roy ba ile ba kena tseleng ea kerekeng ba khanna. Khoho ke ha e fofela ka pele ho bona ka potlako. Ho na ho phoso. Linonyana tse ruiloeng li ne li lokela e be li ka serobeng sa tsona, empa li tsoile. Lipatlisiso tse tsoelang pele tsa bontša tsietsi e ntseng e ja setsi. Beethoven, ntja ea mohaisane e nyenyane, le eona e balehile ka jareteng ea bo eona 'me e le ka letangoaneng molomong e tsoere Daisy. Daisy e ne e le khoho e ntle e neng e na le masiba a matle a masoeu setonong. Connie a pholosa Daisy, empa e ne e se le morao. Khoho ea hae e rathang ea shoela matsohong a hae e lonngoe molaleng. A lula, a tsoere nonyana ena e shoeleng, 'me a bokolla.

Nonyana e 'ngoe e ne e khathatsehile haholo. Letata le le lelele le lesoeu le bitsoang Waddlesworth la bona Connie a tsoere Daisy 'me la hloma e ka ke eena (Connie) ea e bolaileng. Ka hona, libeke tse 'maloa tse latelang, nako eohle ha Waddlesworth e bona Connie, e ne e utloa e ka e ka mohlasela ka matla, e mo ngoape ka manala a eona a matla. Ka linako tse ling ho thata ho tseba hore na ha e le hantle bao e leng metsoalle ea hao ke bomang. Bekeng ena, re tlo sheba morena oa Juda eo hape a neng a na le bothata bona, 'me re tla batla ho utloisisa hore na ke hobaneng a ile a etsa qeto e mpe eo a e entseng.

**Ihute Thuto ea Beke ena ho lokisetsa Sabathasa la 16, Pherekhong.*

Kotsing e Hlahang ka Leboea (Esa. 7:1–9)

Ke tlokotsi efe e nyarosang eo Morena Akase a ileng a tobana le eona pusong ea hae? 2 Marena 15:37, 38; 2 Marena 16:5, 6; Esaia 7:1, 2.

'Muso e ka leboea ho Israele (Efraime) le Siria (Arame) ba kopana naheng e nyenyane ea Juda, ho elella ka boroa. Sena se ile sa etsahala ha Juda e ne e fokolisoa ke litlhaselo ho tsoa ho ba-Edomo le ba-Filista. Nakong e fetileng, Juda e ile ea loantša Israele, empa selekane lipakeng tsa Israelele Siria se ne se tlisa tlokotsi e fetisang. Ho bonahala ha Israelele Siria li ne li batla ho qobella Juda hore e nke karolo le bona setlamong khahlanong le matla a maholo a Tiglathe-pilesere III, mo-Assiria (ea neng a bitsoa "Pule" ho 2 Marena 15:19), ea ileng a tsoella pele ho ba tšosa ka 'muso oa hae o neng o ntse o hola. Israelele Siria ba ne ba behelletse kathoko likhohlano tsa bona tsa nako e telele ha ba shebana le kotsi e fetisang e ba tobileng. Ha e ne e ba ba ka hlola Juda le ho beha morena ea taolong bona moo (Esa. 7:5, 6), ba ne ba ka sebelisa lisebelisoa le batho bateng.

Tharollo ea Akase ha lefatše la hae le aroha likoto e bile efe? 2 Marena 16:7–9, 2 Likron.28:16.

Ho e-na le ho ela hloko Molimo e le eena fela motsoalle oa hae ea ka mo namolelang le naha ea hae. Akase a leka ho etsa motsoalle ka Tiglathe-pilesere III, sera sa lira tsa hae. Morena oa Assiria ka thabo a ananela kopo ea hae ho thusetsa khahlanong le Siria le Israele. Tiglathe-pilesereha a ka fumana fela masiba a limpshe a nonneng, empa hape a fumana lebaka le letle la ho hlola Siria, e leng seo a ileng a se etsa hang (2 Marena 16:9). Matla a setlamo sa Siria-Israelese ile sa khaoha. Ha nakoana ha shebahala e ka Akase o pholositse Juda. Ketso ena karolong ea Akase, leha ho le joalo, ha ea lokela ho tla e le semaka. E bile e mong oa marena a mabe ka ho fetisisa a ho busa Juda ho fihlela nakong eo. (Sheba 2 Marena 16:3, 4; 2 Likron. 28:2–4.)

Ha re bala ka moo Akase a neng a le kateng, ho ea utloahala hore na ke hobaneng a entse ka moo a entseng kateng kotsing e neng e mo tobile. Ke thuto efe e teng mo bakeng sa rōna motho ka mong? Ha e ba re sa utloe Morena hona joale, ke eng se etsang hore re nahane hore re tla ba le tumelo ea ho mo tšepa ha liqholotso li hlaha? (Sheba Jakobo 2:22, Jer. 12:5)

Teko ea ho Kena Lipakeng (Esa. 7:3–9)

Ha Akase a ntse lekanya malepa a sepolotiki ho tobana le tshaseho ho tsoa ho Israelele Siria, Molimo o ne a tseba seo a sa se tsebeng. Ka ntho e le 'ngoe, e ne e le Molimo ea lumeletseng kotsi ho tla ho eena e le ho mo khalemela le ho kenya kelello (2 Likron. 28:5, 19). Ho feta moo, leha ho ipiletsa ho Tiglathe-pilesereho thusetsa ho ne ho bonahala ho etsa kelello e bile ho khahleha kelellong ea botho, Molimo o ne a tseba hore seo se tlo tlisa puso ea Davida Juda tlasa taolo ea balichaba eo a ke keng a e hlola. Matšoafa a ne a phahame haholo. Ka hona, Morena a romela Esaia kena morena hare (mohlomong ha a ntse a hlahloba mehloli ea metsi ea Jerusalema ho itokisetsa thibello) e le ho mo susumeletsa hore a se bue le moetapele oa Assiria.

Hobaneng Morena a ile a bolella Esaia ho nka mora oa hae, Sheare—jashube, ho tsamaea le eena (Esa. 7:3)?

Akase o ne a tla makala ha Esaia a mo tsebisa mora oa hae, ea bitsoang “Baleti ba tla khutla.” Baleti ba bang? Ba tla khutla ho eng? Hobane ntat’a moshanyana e ne e le moporofeta, lebitso le ne le utloahala e ka ke molaetsa o tsoang ho Molimo ka batho ba ea khoholong. Kapa e ne e le ho khutlela ho Molimo ka tsela ea ho baka (leetsi “ho khutla” hape le nkile moelelo oa ho baka)? Molaetsa o tsoang ho Molimo ho ea ho Akase e ne e le: Le bolela seo u batlang le se bolele! Khutla libeng tsa hao kapa e-ea khoholehong, 'me ho tsoa khoholehong Baleti ba tla khutla. Khetho ke ea hao!

Molaetsa oa Molimo o ile oa arabela boemo ba Morena joang? Esa. 7:4–9.

Tšoso e tsoang ho Siria le Israele e tla feta 'me Juda o tla bolokeha. Matla ao ho Akase a neng a shebahala joalo ka tsunami e khohohali, ho Molimo e ne e ka fela “liqhomane tse peli tse se nang taba” (Esa. 7:4). Ho ne ho se na lebaka la hore Akase a ipiletse ho Assiria bakeng sa thuso. Empa e le ho etsa qeto e ntle. Akase o ne a hloka ho tšepa Morena le lipallo tsa hae. O ne a hloka ho lumela e le hore a tle a tiisoe (Esa. 7:9). Mantsoe a sebelisitsong bakeng sa ho “lumela” le “ho thehoa” a tsoa kutung e le 'ngoe ea Seheberu, eo ho eona ho tsoang lentsoe le bolelang “nete” (se ka tšeptjoan) le lentsoe Amen (le tiisang seo e leng 'nete kapa se ka tšeptjoang). Akase o ne a hloka ho tiea e le hore a tle a tiisoe; o ne a hloka ho itšetleha e le hore a tle a tšephe.

Sheba karolo eo e qetellang ea karolo ea Esaia 7:9. Hobaneng tumelo le le ho lumela li le bohlokoa e le ho re a “tiisoe”? Ho tiisoa ho eng? Ke joang motheo oo o sebetsang bophelong ba Mokreste?

Monyetla o Mong (Esa. 7:10–13)

Akase ha a ka a arabela pitso ea Esaia ea tumelo. Ka hona, Molimo ka mohau oa hae a fa morena monyetla o mong, a mo bolella hore a kope pontšo “u kope hore e hlahe tlase lebitleng, leha e le holimo leholimong” (Esa. 7:11). Mona ke e ’ngoe ea limemo tse kholohali tsa tumelo tse kileng tsa fanoa ho motho. Ho fapana le liloto kapa linohe, Molimo ha a behe lipheho tsa letho. Molimo ha a ka a lekanyetsa mpho ea hae le ka karolo ea ’muso oa hae, joalo ka babusi ba batho ha ba fihlile pheletsong ea ho fana ha hae (sheba Esthere 5:6, Esthere 7:2, Mareka 6:23). O ne a ikemiselitse ho fana ka sohle sa leholimo le lefatše bakeng sa motho ea khopo ha fela a ka lumela! E le pontšo, Akase a ka be a kopile thaba ea khauta kapa masole a mangata ba lehlabathe le lebopong la leotle.

Hobaneng Akase a ile a arabela ka tsela eo a entseng ka eona (Esa. 7:12)?

Ha u habanya mahlo, karabo ea Akase e bonahala e le ea tumelo le tthompho. A ke ke a beha Molimo tekong, joalo ka ba-Iseraele ba entse pejana, ha ba ntse ba le lefelling (Exod. 17:2, Deut. 6:16). Empa phapang e ne e le hore Molimo o ne a memme morena hore a mo leke (bapisa Mal. 3:10). Ho mo nka boemong ba mpho ea hae e se nang moeli e ne e tla mo thabisa, e seng ho leka mamello ea hae. Empa Akase o ne a sa ikemisetsa ho lumella Molimo ho mo thusa ho lumela. A koala le ho notlela lemati la pelo ea hae ho koalla tumelo kantle.

Bala Esaia 7:13. Esaia o re’ng mo?

Esaia a supa hore ka ho hana ho beha Molimo tekong, ka ho qoba ho bonoang ke batho ho beha Molimo tekong, Akase, ha ele hantle o lekile Molimo. Empa ntho e khathatsang haholo ea temana ena ke ea hore mona Esaia o re “Molimo oa ka,” phapano e hlakileng le ho e ho Esaia 7:11, moo moporofeta a kolpileng morena ho kopa pontšo ho Molimo “oa hao.” Ha Akase a hana mpho ea leholimo, o ne a latola Morena e le Molimo oa hae. Morena e ne le Molimo oa Esaia, empa e seng Akase.

Thuto ea letsatsi lee e re ruta eng ka mamello ea Molimo le takatso ea hae ea ho tlisa bohle pholohong? Ke eng hape eo e re bolellang eona ka fofu le bothata ba lipelo tsa batho ha li sa inehela ka phethahala ho Morena? Qetellong, leha e ne e ba Molimo o file Akase pontšo eo a neng a e batlile, u nahana hore Akase a be a lumetse? Hlalosa karabo ea hao.

Pontšo ea Mora (Esa. 7:14)

Neo ea pontšo ho tsoa “tlase lebitleng le holimo leholimong” (Esa. 7:11) ha ea ka ea sisinya Akase. Ka honam ha Molimo kasebele a re o tla fana ka pontšo e le eena (Esa. 7:14), re labella hore e be e hlolang ka ho fetisisa e ka nahanonoang fela ke leholimo (bapisa Esa. 55:9, 1 Ba-Kor. 2:9). Semaka! Pontšo ke mora. Empa ke joang moroetsana ea immeng ngoana le ho mo bitsa “Emmanuele” e ka bang pontšo?

Mosali ke mang, 'me ngoana ke mang?

Ha ho moo Testamente ea Khale e supang phethalo ea pontšo ena ea bohlokoa, joalo ka lipontšo tse ling tse ileng tsa fanoa ho batho bang, joalo ka Gideone (Baahl. 6:36–40). Ka hona, ke tse na tse ling tsa moo re ka reng bophethahetse, re ipapisitse le Testamente ea Khale feela:

1. Ka ha lentsoe “moroetsana” le supa mosetsana ea lilemong tsa ho nyaloa, boholo bo hloma e ka ke mosali ea nyetsoeng ea phelang Jerusalema, mohlomong mosali oa Esaia. Esaia 8:3 e fela e tlaleha tlhaho ea morá Esaia ka “mamoporofeta” (ho supa mosali oa hae, eo molaetsa oa hae oa boporofeta bonyane o kenyeletsang le bana ba hae, Esa. 7:3, Esa. 8:18). Leha ho le joalo, mora oa hae ea ileng a bitsoa Mahere-shalale-hashe-base (Esa. 8:1–4), e seng Emmanuele. Leha ho le joalo, lipontšo tsa bashanyana ba babeli bana li ea tšoana ka hore ba fihlela lilemo tseo ka tsona ba ka khethang botle le bobele, Siria le Iseraeleleboea lit lo senyeha (Esa. 7:16, Esa. 8:4).

2. Ba bang ba lekanya hore Emmanuele ke Hesekease, mora Akase, eo e bileng morena ea latelang. Empa ha ho moo lebitso lena Emmanuele le sebetsang ho eena.

3. Hobane Emmanuele ke lebitso la mohlolo le tloaelehileng ka ho tolokoa e le “Molimo o na le rōna” le bolela karabo ea Molimo, a ka 'na tšoana le mora ea khetheleng ea porofetiloeng ho Esaia 9 le 11. Ha ho le joalo, tlhaloso ea hae ea leholimo (Esa. 9:6) le “lehlomela la Jese” (Esa. 11:10) e fetisa sohle se ka sebelisoang ho oona esita le morena ea lokileng joalo ka Esekiase.

4. Ngoana ea hlahlileng hantle ho tsoa mosaling ea sa nyaloang empa a le lilemong tsa ho nyaloa e tla ba ngoana ea sa phethahalang ea hlahlileng ka bofebe (sheba Deut. 22:20, 21). Hobaneng Molimo a ka bua ka ngoana ea joalo e le pontšo ea ho susumetsa tumelo?

Ka lehlakoreng le leng, Testamente e Ncha e supa Emmanuele e Jesu (Matt. 1:21–23), ea hlahlileng ka mohlolo le ka bohloeki ho moroetsana ea sa nyaloang ea neng a lebeletsoe. Jesu hape mora oa Molimo (Esa. 9:6, Matt. 3:17) le “lehlomela” le “kutu” ea Jese (Esa. 11:1, 10; Tšen. 22:16). Mohlomong “Emmanuele” oa pejana, eo tlhaho ea hae e tiiselitseng Akase nako ea phethahalo ea boporofeta, e bile ketella pele ea Krete. Ha re tsebe. Empa re tseba seo re hlokang ho se tseba: “Empa nako ha li phethehile, Molimo o romile Mor’a oona, ea tsoetsoeng ke mosali” (Ba-Gal. 4:4), ho se fa boteng ba Molimo hara rōna.

“Molimo o na le Rōna”! (Esa. 7:14)

Joalo ka mabitso a bana ba Esaia (Sheare-jashube, “Baleti ba tla khutla,” le Mahere-shalale-hashe-base, ho bolelang “ho phakiso e ho haptjoe, ho khoroloe hang”), lebitso la Emmanuele le na le moelelo. Ka kotloloho ke “le rōna Molimo.” Empa botoloki bo amohelileheng ka tloaelo “Molimo le rōna” ha bo na ntho ea bohlokoa. Joalo ka mabitso a mang a Se-Heberu a mofuta ona a hloakang leetsi “ho ba”, le hloka ho kenyeletsoa, joaloa e sa hlaliso e ka se-Heberu. Ka hona, Emmanuele e lokela ho tolokoa e le “Molimo o na le Rōna” (bapisa mantsoe a tšoanang ho Esa. 8:10), joalo ka ha lebitso “Jesu” (ka se-Gerike, khutsufatso ea se-Heberu Yehoshua, ka Joshua) le bolela “Morena pholoho,” ha ho kenyeletsoa hape leetsi la “ho ba” (bapisa Esaia, e bolelang, “pholoho ea Morena”). Empa lebitso “Emmanuele” ha se tlhaloso fela tjena; ke khakanyo ea pallo e phethoang hona joale: “Molimo o na le Rōna”!

Ke bohlokoa bofe ba pallo ea hore Molimo o na le Rōna?

Ha ho na tiisetso le matšelisano a matla ho feta seo. Molimo ha a tšepise hore batho ba hae ba ke ke ba feta mathateng le bohlokong, empa o tšepisa ho ba le bona. Mopesaleme o re: “Leha nka tsamaea khohlong ea moriti oa lefu, nke ke ka tšoha bobele leha bo le bong, hobane u na le ’na; lere la hao le seikokotlelo sa hao ke tsoan tse ntšelisang” (Ps. 23:4). Molimo o re: “Ha u tšela har’a metsi, ke tla ba le uena; ha u tšela har’a linoka, li ke ke tsa u nka; leha u feta har’a mollo, u ke ke oa cha, le malakabe a ke ke a u tlabola’ (Esa. 43:2).

“O ne a le kae Morena ha ba Babylona ba akhela metsoalle e meraro ea Daniele mollong? O ne a na le bona (Dan. 3:23–25). ‘Me Morena o ne a le kae ka nako ea nto e kholo ea Jakobo moo a loaneng ho fihlela mafube a hlaha? Matsohong a Jakobo, haufi ka moo a ka khonang kateng (Gen. 32:24–30).

“Leha Morena a sa hlahe ho bonoa ka mahlo lefatšeng, o feta le batho ba hae maiphihlelong a bona. Morena o ne a le ho kae ha letšoele le timetsa Setefane? ‘A eme letsohong le letona la Molimo’ (Lik. 7:55). Empa ha Jesu a nyolohela leholimong, ‘o ile ho lula ka letsohong le letona la Boholo bo holimo’ (Ba-Heb. 1:3). Hobaneng a ile a ema ha Setefane a le tlokotsing, a le makhatheng a ho tlepeletsoa lefu? Joalo ka ha Morris Venden a boletse, ‘Jesu o ne a ke ke a sebetsa taba eo a lutse!’” —Roy Gane, *God’s Faulty Heroes* (Hagerstown, Md.: Review and Herald Pub. Assn., 1996), p. 66.

Leha re na le pallo ea hore “Molimo o na le Rōna,” ke phapano eo seo e se etsang ha re ntse re tobana le liteko tse mpe le bohloko? Ke molemo ofe oo ho tseba pallo eo ea boteng ba hae, o re etsetsang oona? Hlalosa karabo ea hao.

Ho Ithuta Haholoanyane:

“‘Lebitso la hae o tla bitsoa Emmanuele, . . . Molimo le rōna.’ ‘leseli la tsebo ea khanya ea Molimo le bonoa ‘sefahlehong sa Jesu Krete.’ Ho tloha matsatsing a bosafeleng e sa le Morena Jesu Krete a le bonngoneng le Ntate; e ne e le ‘setšoantšo sa Molimo,’ setšoantšo sa boholo le botlotlehi ba hae, ‘khanya ea hae e fetisang.’ E ne e le ho hlalisa khanya eena ha a tla tla lefatšeng la rōna. Lefatšeng lena le fifetseng ke sebe o tšile ho senola leseli la lerato la Molimo,— ho ba ‘Molomo le rōna.’ Ka hona ho ile ha porofetoe ka eena, ‘Lebitso la hae o tla bitsoa Emmanuele.’” —Ellen G. White, *The Desire of Ages*, p. 19.

“E ka be e bile bakeng sa ’muso oa Juda hoja Akase o ile a amohela molaetsa ona e le o tsoang leholimong. Empa ho khetha ho itšetleha letsohong la nama, o ile a batla thuso ho tsoa ho mohetene. Ka tšoho eohle a romela puo ho Tiglathe-pilesere, morena oa Assiria: ‘Ke mohlanka oa hao le mor’ a hao; tloo, u ’namolele matsohong a morena oa Siria le matsohong a morena o Iseraele, ba ntsohetseng matla.’ 2 Marena 16:7. Kopo e ne e felehelitsoe ka limpho tse khohali ho tsoa bobolokelong ba letlotlo le morena le polokelong ea tempele.” —Ellen G. White, *Prophets and Marena*, p. 329.

Lipotso tsa Puisano:

1. Ha u le lekhateng la ho etsa qeto, na ho loketse ho kopa Molimo pontšo? Ke likotsi life tse hapelloang ho etseng ntho e joalo?
2. Ho molemo ho ba le thuso e tsoang bathing, empa ke joang o elang hloko likhaello tsa eona?
3. Sengoli sa le-Russia Leo Tolstoy o ile a ngolla motsoalle oa hae hore “hang ha motho a hlokomela hore lefu ke qetellong ea tsohle, ka hona, ha hona letho le fetang bophelo ka bobo le teng.” Ke joang tsebo ea rōna hore “Molimo o na le Rōna” e arabang polelo ea joalo?

Kakaretso: Molimo o ile a tlisa morena Akase maemong ao a neng a lokela ho etsa qeto e thata: Ho lumela kapa che, ena e ne e le eona potso. Leha Morena a se a mofile ho batla pontšo eo khopolo ea hae e ka e fumanang, o ile a hana ho lumella Molimo ho bontša lebaka leo ka lona lokelang ho lumela. Ho fapana le moo, a khetha e le “motsoalle” oa hae morena oa Assiria.